


He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuitia te whakarāpopoto ki te ākonga. He reka te parehe ki a koe? He nui ngā momo kai kei runga i tēnei parehe.



He kupu whakataki

Kia kaha ki te whakamahi i ngā wheako me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu, whakairo kupu rānei me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Whiriwhiria te āhua e hangaia ai te parehe.

He aha ngā momo kai hei kinaki i te parehe?

Tonoa te ākonga ki te toko whakaaro kei te mahi ia i tētahi parehe me āna tino kinaki i runga. Kua kōwhiri ia i ēhea kinaki ki te whakaetia kia riro māna ngā momo me te maha o ngā kinaki e kōwhiri?

He Matapaki

Tirohia te pai o te pānui a te ākonga

I te wā o te matapaki, me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana, mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana; ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te kaupapatanga, ngā kiripuaki;
 - te whakatenatena i te ākonga ki te titiro ki mua, ki te matapae hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga

1. Ko te aha te mahi i mahia i roto i te pukapuka?
2. Nā wai taua mahi i mahi?
3. He aha ngā kinaki i hoatu ki runga i te parehe?
4. He aha i rerekē ai ngā momo hua whenua i whakamahia e rāua?
5. I mahi rāua i te parehe i hea? Ka pēhea koe e mōhio ai?

Ngā whakautu ki ngā whakapuaki māramatanga

1. Ko te mahi parehe.
Ko te uwhiuwhi kinaki ki runga i tētahi parehe.
2. Nā tētahi ringa wera rāua ko tētahi tamaiti.
3. He kinaki tōmato, he riki, he mīti, he tōmato, he harore, he paināporo, he tihi, he pēkana.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuratanga o te pukapuka nei.

Te pūtake

I He whakaroa atu i ngā mōhiohio mai i te pukapuka.

He whakatakinga ā-roto, he whakaharatau

I mua i te pānui i te pukapuka, kōrerorotia ngā āhuratanga o ngā momo kinaki rerekē mō ngā parehe – te hā, te reka, te aha, te aha. Ki te kai parehe tōna whānau, nā wai ngā kinaki i kōwhiri i te nuinga o ngā wā?

Kia oti i te ākonga te pukapuka te pānui, matapakia ko tēhea o ngā kinaki ka pai ki te ākonga mō runga i te parehe. Ki te ākonga, ka reka pea ki a ia te parehe i kōrerotia rā i roto i te pukapuka, kāore ranei? He aha ai?

Matapakia te hoatu pūhā ki runga i te parehe. I ohorere te ākonga ki taua ariā? He aha ai? Ki tōna, he aha ētahi atu mea āhua rerekē atu mō runga parehe?

Kōrerorotia te meka nā Itāria tēnei mea te parehe. Matapakia ētahi atu momo kai me ngā whenua i takea mai.